

YMA thiltum: 1. Hunawl hman thaat. 2. Zofate hmasawna ngaihtuah. 3. Kristian nun dan tha ngaihsan				
Vol. 43 Issue No. 41 Ramhlun North: Ni 11 October, 2025				
 SUB.COMT THU THAR ■Thlanmual Sub-Committee: Ni. 7.10.2025 zan khan Chawngbawla Runah an inhmukhawm a. Ni 10.10.2025 atang khan thlan chung khuh hna an thawk tan a, remchang hmasa ber atangin thlan thar duan tan an tum bawk. ■Library Sub-Committee: Pu Tuikhuahthanga, N-Sec. hnen atangin lehkhabu release thar Krista Pasaltha Zikkawia chanchin Lalnunawma Fanai ziah copy 2, YMA Library-a dah turin an dawng. Pu TK-a chungah lawmthu an sawi.  BRANCH THU THAR ■ Ni 14.10.2025 (Thawhlehni) zan hian Branch executive committee thut tum a ni a, member ten lo hriat lawk tur a ni e.  SECTION THU THAR ■Vanapa Section: Ni 9.10.2025 (Ningani) zana Vanapa Section Thlan laih Hnatlannaah mi 100 chuang zet kan thawk chhuak a, thlan 2 laih zawh a ni. Hnatlanga thawk chhuak hman lo/thei lo te atangin ei leh in tur leh a tula hman tur sum engemaw kan dawnga, kan lawm hle mai. Hnatlang a thawk chhuak zawng zawng te, sum leh pai bakah lirthei thawh chhuah pui tu te zawng zawng chungah lawmthu an sawi a ni. Khaw nuam lo leh dam lo na tak section-ah an awm chungin tuang taka kan hnatlang thei kha avan lawmawm em. Ti hian hnatlangte ei leh in atana sum kan dawn senso hman ban atangin Branch ah thlan pa-2 laihna tur thehluk a ni a. ■ Library Duty turte Ni 18.10.2025 1.Tv. D.Lianmanga 2.Tv.Lalthianghlma Zote 3.Tv.Timothy Lalbiakrema 4.Tv.Henry Vanlalchhanchhuaha 5.NI.Lawmsangpuii 6.NI.Josephine Lalthazuali			AMC ELECTORAL ROLL REVISION NEIH MEK A NI (01.01.2008 leh a hmalam a piang te tan dil theih) Ramhlun North, the 11th October, 2025: Summary Revision of Electoral Roll under Aizawl Municipal Corporation neih mek a ni a. Ni 01.01.2026 a kum 18 tling chin (01.01.2008 leh a hmalam a piang te) mahni bialtu LLO/ BLO te hnenah ni 25/10/2025 ral hma in inthunluh dilna thehluk theih a ni. Tun tuma AMCElectoral Roll lo chhuak hi kum 2022 MLA Electoral Roll atanga lak chhawn a nih avangin hemi kum hnu lama electoral roll a lut te chu he AMCElectoral Roll ah hian an chuan dawn loh avangin tun tumah hian hian inthun luh dil leh vek tur a ni. Electoral Roll a kan chuan leh chuan loh lo in enfiah duh tan vengchhung whatsapp group-ah Electoral Roll soft copy dah a ni. Kan hma lawkah AMC kan thlang leh dawn a, AMC thlanna a vote kan thlak theuh theih nan Draft Roll-a kan awm leh awm loh hi mahni in en theuh kan tum dawn nia. Dilna thehlut turte tana document thehluk tel ngai te: 1. Kum 18 tling thar (New Voter) tan: 1) Passport size photo pakhat 2) Birth Certificate xerox attested 3) Residential Proof (Local Council / YMA hriatpuina) 2. Ramhlun North a MLA Electoral Roll a chuang tawh EPIC (Elector Photo Identity Card) nei, tuna AMC Roll a awm lo te tan: 1) Passport size photo pakhat 2) Residential Proof (Local Council / YMA Hriatpuina) 3) EPIC xerox attested. 3. Hmun dang atanga rawn insawn (transfer) tur, EPIC nei tawhte tan: 1) Passport size photo pakhat 2) Residential Proof (Local Council / YMA Hriatpuina) 3) EPIC xerox attested 4) An awmna hmasa E. Roll a an details rawn hriat a ngai. Dil turte chuan mahni bialtu LLO/ BLO te hnenah ngaihven a, biakpawh hmasak tur a ni e. LLO / BLO te: PART 1: Vanapa Section Pu Lalrammawia : 9862753609 PART 2 : Chawngbawla Section Dr. Lalrammuanpuia Hnamte : 9436190370 PART 3 : Taitesena Section Nl. B. Lalramnghaki : 9612623218 PART 4 : Neuva Section Pu K. Vanlalrova : 9862300713 PART 5 : Saizahawla Section Pu C. Lallianzuala : 9862365843 PART 6 : Khuangchera Section Pu T. Lalrinmawia : 9612050543 Tin, ni 20.10.2025 (Thawhtanni) leh ni 25.10.2025 (Inrinni) hian Govt. Ramhlun North P/S ah zing dar 10:00 atanga chhun dar 12:00 thleng LLO/ BLO te an thu dawn a, hetah hian thun thar tur leh insawn duhte tan a hmunah hian a tih theih dawn bawk a ni.	
YMA INKHAWMPUI LIAN VAWI 75-na Tun thla tawp hian YMA Inkhawmpui lian vawi 75 na chu Sakawrdai-ah neih a ni dawn a, Sakawrdai Playground-ah Chengkawlawn Rûn pawh peih fel a ni thawkhat tawh a ni. Sakawrdai hi Mizoram Hmarchhak tlangdunga khaw pawimawh tak pakhat niin Manipur ramri dep khaw lian ber a ni. Kumin YMA Inkhawmpui lianah hian rorel mai bakah Central YMA Office Bearers (2025-2027) tur te thlan an ni dawn a, Pu JH Zoremthanga Returning Officer a ni ang. Heng mi te hi nominate an ni- 1. Er. H. Duhkima, 2. Er. Lallawmzuala Pautu, 3. Fabian Lalfakawma, 4. Lalmachhuana, 5. M.S. Ralte, 6. PC Lalthanhira, 7. Prof. Lalnunluanga, 8. Prof. Malsawmliana, 9. R. Lalngheta, 10. Roneihthanga, 11. S.F. David Ngursangzuala, 12. Vanlalhlana, Dam Veng Sakawrtuichhun Chawlhmun Chaltlang Lily Veng Upper Republic Chawnpui New Capital Vaivakawn Hlimen Nursery Veng Dinthar Tuithiang				



Editorial

Hma Kan Sawn Zel

‘Tun hnaiiah Vengchhungin mitthi kan nei ngun leh ta malh malh hle a. A kar lakah ruang chhuak mi nawlpuiin kan hriatpui loh a awm ve reng bawk a. Hah pawh sawi hman lovin YMA Member-te kan theihna zawn theuhah tan kan la tlanga, mualpho lovin kan mawhphurhna kan hlen zel thei hi a lawmawm hle.

Lawmthu inhrilh tur bik awm lo mah ila, hruaitute thlirna mit atang chuan thlamuanthlak tak a ni. Kum tawp lam kan thleng chho meka, hniam lam pan hauh lova YMA Member-te kan tang mar pat reng thei hi vengpui zia dik tak a ni bawk. Pawl thenkhatah chuan kum a lo tawp dawn hnaih hian pawlin zuai lam a pan chawk thin a, kan veng bikah erawh chuan chutiang awm hauh lovin kan tha tulh tulh emaw tih mai tur a ni. Hei tak hi mi tam takin hriain Ramhlun North ngeia ruang indah an lo chak nachhan thin kha a ni. Veng lian leh member ngah nazawngah hetiang thil hi a thleng thei ngawt lova, hruaitute leh member-te inpekna avang chauha thleng thei a ni thung.

Mitthi kan neih hnunnung panga zinga pathumte chu lumen an ni a, kum bul leh a laihawl lam chu sawi tawh lo pawhin heng ruang lumennaa kan chanvo theuh kan hlenchhuah danahte hian a lungawithlak viau a ni. Chutih rualin hmasawn zel tur kan nih hrerengin kan thlen chin zel atanga a aia tha zawk thleng thei tura kan inbuatsaih zel a duhawm hle.

Kan veng tlangval thenkhat ten a tul a tih hun apiangah thlan an han lai mai thin te hi a va ropui thin tak em! Section inlah chhawk chang pawhin thlan lai kan thawkchhuak tha thin em em mai te hi a ropui takzet. Thlan vur ni se chhung leh khat ten an tih ngai miah lovin kan vur sak thin te hi a hlu takzet a ni

Mi thenkhatin, Mizo Tlawmngaihna hi chuai tawh angin sawi thin mahse, kan veng, Ramhlun North-ah hi chuan a la vul chianga, a lan chhuah dan pawh a la ngai reng a, kum lo kal leh zel turah pawh hniam lam aiin san lam a pan zel ang.



KHAWTHLIR

CHALKHAN DIL

Chalkhan dil hi Sailam leh Thenzawl ram inrina lai kawr ruam, Thenzawl atanga km 8 vela hla-a awm a ni. He dil hi lamlian pahnih insuihfinna laia awm a ni a. Sialsuk tlâng dung kawngpui, Sap Sakeia lamlian (Mizote'n Sap Sakeia an tih mai hi Hodgkins-a a ni a, British hovin Mizoram an awp laia Aizawl Bawrsap J. Shakespear-a'n kawng zawng tura an rawih Chief Engineer a ni) an tih leh Thenzawl atanga Serchhip panna kawngpui intawhkhawmna lai kawn ruama awm a ni. Chalkhan dil hi dil lian lo tak a ni a. A dil zau zawng hi hlam 30 bial vel a ni a, dil bial lam deuh a ni. Dil lian lo tak a ni nachungin a thuk hle a sawi a ni thung. Dum a tam em avang hian a thuk zawng pawh hriat mai harsa tak a ni a, a chanchin an sawi apianga an sawi tel fo thin chu, 'a thuk hle' tih hi a ni reng a ni.

Chalkhan dil chu Sailam tlâng dung chhim lam tawp, khawthlang chhawnga awm a ni a. Mat leh Lau lui chhim leh hmara a inluan kawi sanna inkar chu khan tha tak mai a nih bakah Sailam tlâng leh Lungrang tlâng inthlun zawmna a ni. Mizoram tlâng dung tluan deuh thaw-a luipui kan lova kalna a ni. Hemi kawng khan tak hi Vankal sial pawhin a zawh a. Chuvang chuan he lai hi "Chalkhan" an vuah a ni. Aizawl chhim phei leh Lunglei kawng infinna pengthum a ni.

Chalkhan sawi takah chuan thil mak tak ni-a an sawi ve fo thin chu 'Chalkhan thli' tih hi a niawm e. Serchhip leh Thenzawl motor kawngin Mat lui a kana chung khawk rawk ngawpuiah chuan hmanlai mite chuan thli kua a awm ang a, chuta tang chuan Chalkhan thli chu a lo thaw chhuak thinah an ngai. Mahse, he thli kua erawh hi chu tuman an la hmu lo. Ngawpuiah chuan thli thaw chu thlifim naran angin a thaw a, ngaw atanga km1 velah chuan a na viau tawh a ni. He thli hi March atanga November thla inkarah a thaw ber thin. Hmanlai mite chuan Khawkrawk ngaw kara thli kua atang chuan thli chu zing thawh hunah a lo thaw a, a feh chhuak a, chawhma zawng a kal a. Reiek tlâng a tleh khum zo lo va, chaw a fak a, chawhnuah a haw leh a, ni tlak hma in a kuaah a lut a, a tuk zinga a thawh leh hma loh zawng zana a mu hahchawl thin a ni, an ti.

Chalkhan sawi rual hian se lar tak Vankal sialin he lai khan a kal tlang dan chanchin leh Vankal sial chanchin sawi a remchang hle mai a. Hmanlai sechal huai leh hmingthang tak pahnih, 'Dullai sial leh Vankal sial' an insik chiam tuma dawih zawk chan chang ta Vankal sial khan Pukzing rama Chipui khur tlana rawl bo turin luipui kan miah lovin khana zel a zawh a, hemi tum pawh hian he dil kam khan rem laiah hian kal tlangin a dil hmingah pawh "Chalkhan" tiin an vuah ta niin an sawi thin.

Hemi tuma Vankal sial kal dan hi a mak em avangin tlem han thailang hlek ila. Vankal atanga Sialring Chipui khur kal tur chuan lui lian fe fe kan tur a awm thluah mai a. Mahse, chhung luite chu dai hauh lovin tlâng dung leh khan tha lai ngat zawhin a pan ta a ni. Vankal atangin Chhawrtuiah, chuta tang chuan

Siallukawt pal tlangin Raldan (Thentlang) ah, Raldan atangin Khawbelah; chuta tang chuan Maiteah kal lehin Tuivawl a hel a. Maite atangin Hmunthaah, Tuikum hel in Tawi tlâng pang Hualtu ramah a kal leh a. Tuirial hel in Chhingchhip Mualpuiah a kal a, Mat hnar hel in Baktawng, Hmawngkawng ramah a kal a. Baktawng atang Hmuifang tlâng lawn liam in Sialsuk a thleng a. Sialsuk atang chuan Sailamah; Lau lui hel in Lungrang, Chalkhan (Thenzawl) ramah a kal zel a, Buangpuiah; chutah Haulawng tlâng dung zawh phei a, Chengpuiah, Baichi leh Dawn kal tlangin Zobawkah a kal phei zel a, Tlawng hnar hel in Zopui tlâng a lawn a, Theiriatah; Theiriat atangin Lungleiah, Vahnneah a chhuk thla a, Sertlangpui dung zawh pheiin De hnar a hel a; chutah Tut hnar hel nan Khawthlang Zopuiah a kai a. Chuta tang chuan Pukzing tlâng a lawn ta a; tichuan Pukzing rama Chipui khur (Sialring) chu a tlan ta a ni.

Chipui khur awmna a hriat dan hi chu mak hle mahse thu khatah lo dah ta ila, lui pakhat mah kan lova a pan dan kawng leh khan tha a hriat zia erawh hi chu a mak tih loh rual a ni lo. Thla thum zet a rawl bo hnuah chuan a kalna khan pangngaia kir lehin Dullai Sial chu a rawn cho leh ta ngat a.

Tichuan Vankal sial, duh tawka Pukzing ram Chikhur 'Sialring' an tih lama rawl bova zuk intlan tlai sauh sauh chuan, a hma-a a lo hneh loh Dullai sial chu a han hmachhawn leh ta a; anni Dullai sial lah chuan a hma-a a lo tlawm tawh hnu chu a huphurh lo nasa mai hian a ang a.

Chumi tuma chung sial pahnih insi chu a hmutute chuan a hmuhawm zia an hrilh fak alawm. A tawpah chuan hlate khua-a zuk rawl bova, tunlai tawng takin, zuk training-a zuk inla fit a ni bawk a, a hma-a a lo hneh tawh loh Dullai sial chu a tlawm ve ta thung a; khamah a si thla a, a thi ta a ni.

Dullai sial lu lem hi Hliappui leh Hmawngzawl inkarah lui pakhat Dullai lui an tihah chuan a awm a, lungpherah a lu lem fiah taka ziah a ni. Vankal sial pawh hi Hliappui chhim chhak Vankal khaw bulah lung lian tak chung zawlah fiah taka ziah a ni bawk.

Chalkhan dil hi Sialsuk tlâng dung kawngpui atanga Thenzawl panna lamlian leh Thenzawl atanga Serchhip panna lamlian infinna lai kawn ruama awm a ni a. Sap Sakeia hova lamlian an laihna vung kan he dil hi a hnawh nasat avangin dil pianhmang pawh tun hma ai chuan a danglam nasa tawh hle.

Chalkhan dil hi dil lian leh ropuia chhiar ni lo mahse, chanchin erawh sawi tur a tam hle thung mai. He dilah hian dil dang zawng zawng aia mak danglam khawpin tui satel te, makur sangha te, nghavawk te leh kaikuang te a tam hle mai a ni.

Tun hma chuan he dil hian huai neiin an ring a, zana ramchhuak thin leh a bula riak thinte chu an riak nawn duh mang hauh lo. Thawm mak tak, phun nuah nuah ri te, kuk ruuh ruuh leh mihring nui ri her her ni awm tak te an hre fo thin a. A tak hmuh tur erawh a awm ngai si lo. Zin kawng bul hnai maia awm a nih si avangin khaw tlai lam tawha he lai hmun kal pelh hi zin thinte chuan an hre fo thin. Eng emaw ti riau hian mihring thawhah man tlattu awm thin in an sawi a ni.

MARYMA		PHEK 3-NA	RN YMA CHANCHINBU													
 ZIN & HAW ■ Pu Laldinglana Sailo, President, Pu Lalrochama, Vice President, Pu Biakchungnunga, Secretary, Pu R. Lalrinmawia, ECM leh Pu Lalneihhlua, ECM te thil pawimawh buaipuia Kolasib a zin chu an lo haw leh ta. ■ Dr. Vanlalthlana, bialtu MLA hna thila Hnahthiala zin chu a lo haw leh ta. Pu Mathlana hi Pu Lalfakzuala, ECM leh Pu Lalhlimpuia, T-Sec. ten an zui a ni. ■ Pi Lalrinawmi w/o Jimmy Zosanglana, V-Sec. chu inentir turin Kolkata-ah a kal. ■ Pu Richard Lalsangzela, C-Sec. chu a hna thawhna hmun Khawzawl atangin hna thilah a lo haw. ■ Tv. Lalhlimpuia s/o Biaklawma, V-Sec. chu a hna thawhna hmun Kolasib atangin a lo haw.  KOHHRAN ■ SALVATION ARMY: Ni 12.10.2025 (Pathianni) hian Self Deniel (Mahni Inphat) Thawhlawm lakkhawmna hun hman a ni dawn a, naupang leh puitlingte inkhawm ho vekin urhsun takin hun hman a ni ang. BCM : Ni 10 - 12, October, 2025 chhungin Ramhlun Pastor Bial Inkhawmpui anthleng. Inrinni nilengin rorel a ni ang a, Pathianni zana Inkhawmpui hi a tiak ang.  THILDANG ■Insawn: 1. Pu R. Lalbuatsaiha te chhungkua chu Pi RD Thanpuii, N-Sec. In atangin Pu Lalremchhunga In S-Sec. ah an insawn. 2. Pu H. Zothansanga, T-Sec. chu Saitual ah transfer a ni. ■Basketball: RSC Basketball Sub Committee leh Northern Academy tangkawp chuan ‘Basketball against Alcohol & Drugs’ (BAD) project kalpui tum a ni a. Ni 18.10.2025 (Inrinni) tlai dar 3:00 atang hian RSC Field-ah a duh apiang tan Basketball Free Coaching a kal theih dawn. Kum bithliah a awm dawn lova, hmeichhia, mipa tan pawh zawm theih vek a ni dawn a ni. La khel ngai miah lo leh khel thiam tawh te tan pawh zawm theih vek a ni dawn a ni.	 LEI PIAH LAMAH  Rev. Sanghnuna, K-88 V-Sec. chu ni 10.10.2025, tlai dar 4:33 khan a boral a, lumen a nih hnuah vawiin ni 11. 10. 2025 chhun dar 12:00 khan Ramhlun North Presbyterian Kohhran Hall-ah a thlahna hun hman a ni a, chawhnu dar 2:00 khan a Presbyterian Kohhran Biak Inah Synod Moderator in a vui a ni. Lusun khawhar chhungte thlamuantu Pathianin vengin awmpui mawlh rawh se.  DAMLO ■ Pi Lalliani, S-Sec. chu LRM Hospital ICU-ah enkawl mek a ni. ■ Pu Vanrotluanga, C-Sec. Greenwood Hospital-a fistula zai chu in lama enkawl chhunzawm turin a lo chhuak ■ Pi B. Sangpuii w/o Er. C. Lalhumhima S-Sec. chu Synod Hospital, Durtlangah atangin a lo chhuak. ■ Pu Vanlalrema, C-Sec. chu Ebenezer Hospital-ah a lung lam fel loh avangin enkawl chu in lama inenkawl chhunzawm turin a lo chhuak. ■ Pu Lalawmpuia, T-Sec. chu LRM Hospital-ah a kawng na avangin enkawl mek a ni. ■ Pu T. Lalhchhandama V-Sec. chu Synod Hospital Durtlangah a mit (eye) zai avangin enkawl mek a ni. ■ Amelia C. Lalhriatzuali d/o C. Lallawmsanga, K-Sec. chu Nazareth Hospital-ah enkawl mek a ni. ■ Tv. Zothankhuma s/o Mary Lallawmsangi, MARYMA Circulation Manager Redeem Hospital-a awm chu a lo chhuak leh ta. ■ Reuben Lalhminghlua Zote s/o Lalramchuana Zote, V-Sec. Synod Hospital, Durtlanga awm chu a lo chhuak leh ta. ■ Pi Thangtuali w/o R. Thangmawia (L), V-Sec. chu in lamah enkawl mek a ni. That lam an pan thei meuh lo. ■ Pi Zaithangmawii w/o RC Zauva (L), V-Sec. chu Synod Hospital, Durtlang atangin Nazareth Hospital, Chaltlangah a sawn a ni. ■ Titus Lallianchama s/o Steward Lalrochama, V-Sec. chu typhoid avangin Synod Hospital, Durtlangah enkawl a nih hnuah in lama in enkawl chhunzawm turin an chhuak leh ta. ■ Zonunhlua s/o Aris Vanneihluanga, C-Sec. LRM Hospital-a awm chu a lo chhuak leh ta. ■ Tv. R. Lalremtluanga s/o R. Sangkhama, V-Sec. chu natna hrang hrang avangin Ebenezer Hospital-ah enkawl mek a ni.	 LAWMAWM ■ Mizoram Tourism Deptt. buatsaih Mizoram Travel Fest 2025, Mizo Thali Cooking Competition-ah Nl. Sarah Lalrinsangi d/o Lal Chungnunga (L), V-Sec. chuan lawmman pahnihna a dawng. ■ Pi Lianchhingpuii w/o Pu T. Lalsangkima (L), N-Sec. chu Upper Division Clerk (UDC) ah a kaisang. A post ngai Directorate of Horticulture-ah a awm ang. ■ Pu Lalramsanga, V-Sec. chu Upper Division Clerk (UDC) ah a kaisang. District Local Administration Office, Serchhip District-ah post a ni.  LOCAL COUNCIL ■ Local Council leh All NGO Thu 1) Vengchhung Security kan rawih mek chu December thla thleng rawih chhunzawm tur a ni a, mipuite atanga Security rawihna tur sum luh dan hetiang a ni. <table><tr><td>Vanapa Section :</td><td>Rs. 80,150</td></tr><tr><td>Taitesena Section :</td><td>Rs. 43,100</td></tr><tr><td>Neuva Section :</td><td>Rs. 36,150</td></tr><tr><td>Chawngbawla Section:</td><td>Rs. 54,800</td></tr><tr><td>Khuangchera Section :</td><td>Rs. 40,830</td></tr><tr><td>Saizahawla Section :</td><td>Rs. 35,700</td></tr><tr><td>Total :</td><td>Rs. 2,90,730</td></tr></table> Tul bik thilah chuan Security Leader Number ah hian biak theih a ni e. Ph: 8798940514 2) Aadhaar Card neih loh avanga Ration Card nei thei lo kan awm chuan a hnuai a mi ang hian Local Council Secretary hnenah ziakin a rang lama thehluh tur a ni. a) Chhungkaw Member hming b) Aadhaar Card neih loh chhan c) Retailer Number d) Chhungkaw hotu ber phone number 3) Motor: Kum tling lo two wheeler leh motor khalh hi danin a phal loh a ni a, kan tu leh kan fa te he ti kawnga an fihlim theih nan chhung tinte kan inchah nawn leh a ni e. Tin, helmet hi tualchhungah pawh khum hram hram zel ang u.  CENTRAL YMA THU THAR ■ Central YMA hruaitute chu Pu Lalnghinglova Hmar, Tourism Minister Office-ah lengin Zawlbuk rama Conference Centre sak tur chungchang sawiho a ni. Central YMA hruaitute hian Conference Centre sakna tur Union Home Minister hnena an dil bawhzui kawnga theihtawp chhuahtu leh Nodal Department hotu te, Minister Pu Lalnghinglova Hmar, Pu V. Lalsanglana IAS, Secretary leh Director Pi R. Lalrodingi te hnenah lawmthu sawina thilpek an hlan. Presbyterian English School (PES) Presbyterian English School (PES), Ramhlun North Aizawl chuan kum thar 2026-27 session atan KG-1 Admission, November 2025 chhungin a hawng dawn a, lut duhte chuan dilna form siamsa hmangin ni 1-31.10.2025 chhung dil theih a ni a, form hi School office-ah office hun chhungin lak theih a ni ang. Dt. 5 & 6 November 2025-ah interview neih a ni ang. Admission dil tu chu April 2026-ah kum 4 a tling ngei tur a ni.	Vanapa Section :	Rs. 80,150	Taitesena Section :	Rs. 43,100	Neuva Section :	Rs. 36,150	Chawngbawla Section:	Rs. 54,800	Khuangchera Section :	Rs. 40,830	Saizahawla Section :	Rs. 35,700	Total :	Rs. 2,90,730
Vanapa Section :	Rs. 80,150															
Taitesena Section :	Rs. 43,100															
Neuva Section :	Rs. 36,150															
Chawngbawla Section:	Rs. 54,800															
Khuangchera Section :	Rs. 40,830															
Saizahawla Section :	Rs. 35,700															
Total :	Rs. 2,90,730															

MARYMA		PHEK 4-NA	RN YMA CHANCHINBU
ARTICLE A NÁKA KA ZEN MEUH LOH CHUAN - C. Lalrintluanga, C- Sec. Lal Isua zirtir Thoma kher kher pawh kha a timak ve ngawt mai! Isua thawh leh thu a thiante'n an sawi khan zu han âwih duh der lova maw le. A náka zen meuh loh chuan a ring zo ve lo. Dawt thu bawl hmanga bum chu a har ve ngawtin a rinawm. A ni teh tak a, a nihna tak pawh hre fiah pha miah lova kan han thlasik mau puah phawng phawng thin hi chuan ngaihtuah zui tur a titem thin ngawt mai. Kan High School kal laia History zirtirtu khan note thui tak, mawi hnai taka phuah chhuah hi min pe thin a. Ngaihnawm leh tui ti taka zir âi kha chuan a note pek kha, a thumal inrem dan indawt ang chiah-a ziak chhuak thiam nih kha a pawimawh zawk daih thung. A bilh ah a tho lo thin ngawt mai. Scientist ropui Thomas Edison kha naupang tê a nih lain zawhna hlir in a khat a. Eng vângin, engtin nge ti reng reng khan hun a hmang a. A khirh khiapin a ninawm ve thin ngawt ang. A thil neih - infiamna hmanrua, sana leh khawlte kha a chhungah engtin nge a awm tiin a phelh darh vek zel. Tum khat phei chu a thil enchhinna lamah a pa chhek in a tikang hluai nghe nghe asin. Khati khawpa mi dil chhut leh ti kher kher mi kha lo piang lo ta se khawvel hian electric bulb hi kan la hmel hriat lo hial awm asin. Eng tel lova hringnun thim zia chu k'u Zairemi te'n an hrilhfiah thiam ber awm e. Tapchhak zâwlah smart phone hum hlai hle si hian kan hriatna erawh a bil hle thung a. Thil kan sawi zâu ang aiin kan hriat a zim a. Thil kan insawi huai siak laiin zawhna zawh thui tlak erawh kan tlem pharh thung. A mangânthlâk thin ngawt mai. Thoma (Thawma) pathumna ka hriat ve erawh kha chu 'an ko che' tih rualin a vir vut a, a kal nghal mai a. A kotu chu tu nge a nih-a, khawiah nge an koh tih lam pawh kha a ngaihtuah tawh chuang lo. Chiang lo ruai hian hringnun hi a lo hman theih viau awm teh tak asin. Thangzachhinga (Vanapa) kha tual ni lumah, khupa puan suih meuha a thuta, lungte a pir nalh nalh tawh chuan a tlem berah thil lo thleng tur chhawng thum tal a ngaihtuah thleng e, an ti thin. Mahni tana lehkha zir tih pawh inhre pha meuh lo, chhungte'n an tih avânga zir ve mai mai tan chuan khua hi a var mawh ngawt ang. Siam sa diam ei tur pawh-a koh ngâwng ngâwng ngai thalaite zîngah hian ngaihtuahna thui tak hmang hi a tam theih viauin a rinawm loh. Kan vannei vanduai ngawt mai. A náka zen hmasak kher duh, a tel ve lohna chu ngaihtha thei miah lo. Mi ti kher kher leh chian hmasak duh mite hi mi rin tlak an ni fo thin. Mizo zinga Chief Secretary hmasa ber Pu Lalkhama, IAS Rtd. kha a luhrealpui hnam dangho khan, "Asia ramah a fîng ber ang," tiin an sawi thin. Kan mi hmasate khan thil an lo chîk a, an lo ti kher kher thin kha an ngaihsanâwm ngawt mai.		ADVERTISEMENT KC TUI (10-2) Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 (10-10) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-10) KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-20) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-19) SEPTIC TANK KHAT & REPAIR Septic tank khat paih leh repair kan ti thei reng a, rate chu inbiakremna a ni ang. (5-2) Contact: 6033373188/9612376373 C/o Marina: 9436140350 SANGA SEPTIC TANK SERVICE Septic tank paihfai leh repairing engkim kan thawk thei a, experience tha tak kan nei e. Rate hi INBIAKREMNA Mb. 9863524969/ 9366506115 (5-1) EMMANUEL PRINTING CENTER SIGNBOARD 3D, 2D, Vinyl / Reflector, Flex BANNER Flex, Vinyl & Foamboard Acrylic Memento & Sticker, etc Qengchhung mi ngei min rawn pan ve rawh le. Call & Whatsapp : 9774586640 Basic Mual, H.No D-119 HANDEL MUSIC SCHOOL Presents WINTER MUSIC CLASS Piano, Keyboard, Guitar, Drums, Violin, Ukulele Admission fee 500/- Contact: 9856701540 / 8132843722	
		Sarah's crEATion Ei tur tui tak in budget milin kan siamsak thei reng che u. 9089403016	
		Published & edited by Eddie Lalfakzuala for and on behalf of Ramhlun North Branch YMA. Copies- 1,270	